



Schweizerische Eidgenossenschaft
Confédération suisse
Confederazione Svizzera
Confederaziun svizra

Departament federal da l'intern DFI
Uffizi federal da cultura UFC

Departament federal d'affars externs DFAE
Direcziun da dretg internaziunal public DDIP

PREAVIS

27 da november 2019, 13.00 – 17.45, suandà d'in aperitiv
Auditorium Careum, Turitg
(cun translaziuns simultanas en talian, franzos e tudestg)

LA SVIZRA È ER TALIANA E RUMANTSCHA

Il talian ed il rumantsch sco part d'ina societad en transfurmaziun: sfidas e bunas praticas

Las commembras ed ils commembers da la cuminanza linguistica taliana e rumantscha èn reconuschidas da la Svizra sco minoritads naziunalas en il senn da la Convenziun da basa dal Cussegl da l'Europa per proteger las minoritads naziunalas. Lur linguas èn er reconuschidas da la Charta europeica da las linguas regionalas u minoritaras. Malgrà las stentas da la Confederaziun e dals chantuns pertutgads da proteger il rumantsch ed il talian, restan questas duas linguas e culturas sut squitsch. Per promover e per mantegnair ellas, èsi impurtant da prender mesiras spezialmain en las domenas da l'instrucziun e da las medias.

Il colloqui permetta da discutir davart questas sfidas en basa a las ultimas conclusiuns dal Cussegl da l'Europa davart la realisaziun da las duas convenziuns tras la Svizra sco er da la nova Missiva davart la cultura 2021–2024 ch'è en consultaziun dal matg fin il settember 2019. A questa occasiun preschenta **dunna Isabelle Chassot, directura da l'Uffizi federal da cultura (UFC)**, las mesiras da la Confederaziun per promover e per mantegnair il talian ed il rumantsch. Lura vegnan discutads exempels da bunas praticas dad organisaziuns ed instituziuns en il sector da l'instrucziun e da las medias. Il colloqui vegn concludì cun in pled da **signur cusseglier federal Ignazio Cassis, schef dal Departament federal d'affars externs (DFAE)**.

Quest colloqui vegn organisà da l'Uffizi federal da cultura (UFC) e da la Direcziun da dretg internaziunal public (DDIP). Vus essas cordialmain envidads da participar a las ponderaziuns e discussiuns davart la promoziun da la lingua e da la cultura taliana e rumantscha en Svizra.

Cun la participaziun da

